


長編總檔

同治十年
六月



同治十年六月長編總檔

初一日

上諭

直隸承德府知府徵奎補授

月摺

忠誠奏懇請回旗終養

上諭

江南織造忠誠准其回京當差

月摺

李鴻章奏古北口練軍赴庫協防揀員統帶

軍機字寄協辦大學士直隸總督一等肅毅伯

李鴻章前任察哈爾都統文盛庫倫辦事大臣

勦捕

張廷岳阿爾塔什達

卽著該督飭令承辦各員趕將該官兵應需銀餉等
項迅速給發催令剋日赴庫文盛將臺站趕緊設
復俾軍行無阻此項官軍行抵庫倫後張廷岳阿
爾塔什達務當妥籌布置相機防勦布魯圖屬之
喜喇穆呼爾五臺究竟賊匪擾及臺站見在匪眾
是否仍踞烏拉特旗境內文盛張廷岳等多設偵
探派兵兜勦

月摺

巴揚阿希元文全奏湖南會匪經官兵合剿見
在籌辦情形

軍機字寄荊州將軍巴揚阿湖廣總督李瀚章
湖北巡撫郭柏蔭荊州副都統希元文全

剿捕

湖南會匪雖經擊散鄂省邊防未可稍鬆穀城境內
既有土匪起事之謠襄樊為南北通衢自應豫為
籌防所有武毅各隊應如何分別畱荆回襄李瀚
章郭柏蔭會商巴揚阿等酌度緩急情形妥為布

置毋稍疏虞

初二日

任兆堅奏病仍未痊請准開缺

月摺

鴻臚寺卿任兆堅准其開缺

上諭

初三日

江南織造慶林去

上諭

劉崐奏殲除益陽等處會匪請將殉難之知州

月摺

等優卹

上諭

直隸州知州陳景滄罵賊被害其子監生陳克澐廩生陳克權救父遇害均交部從優議卹

都興阿奏舊疾復發請假調理

賞假兩箇月盛京將軍瑞聯暫行署理

張樹聲奏晉省續捐防費各生開單請獎

硃批

戶部覈議具奏

軍機字寄湖南巡撫劉崐

勅捕

劉崐奏益陽等處會匪一律殲除一摺據奏道員李

光燎等由桃花江進勦舒塘等處竄匪殲盡無遺
惟所稱查探著名首逆多死於陣語涉含糊究竟
首逆曾否殲除抑尚在逃未獲著劉崐派員嚴密
躡緝務須悉數弋獲以絕根株

初四日

福濟奏交卸事務日期

知道了

福濟奎昌榮全奏請卹陣亡受傷官兵

硃批

月摺

交部分別卹賞

又奏籌防需員請將佐領雅爾哈酌畱襄理文案

知道了

月摺

庫克吉泰奏清釐圍場見籌辦情形

軍機字寄熱河都統庫克吉泰

廷寄

熱河圍場佃戶侵占圍地經庫克吉泰查明一律騰
清封禁其應補民佃之地亦陸續補足並立界設

卡以免侵越辦理尚為妥速卽著庫克吉泰飭令
司員孫恩慶迅將未盡事宜悉心籌辦該都統務
當隨時稽查方為妥善

福濟榮全奎昌杜嘎爾奏會議委員總辦糧臺
奎昌榮全奏籌撥官兵會剿

杜嘎爾奏探明逆匪奔竄情形

軍機字寄理藩院協辦大學士直隸總督一等
肅毅伯李鴻章綏遠城將軍定安署烏里雅蘇

勦捕

台將軍奎昌署伊犁將軍烏里雅蘇台參贊大臣榮全烏里雅蘇台參贊大臣多布沁札木楚前任察哈爾都統文盛察哈爾副都統杜嘎爾庫倫辦事大臣張廷岳阿爾塔什達

覽奏均悉出征馬隊糧餉亟關緊要福濟等擬請在張家口設立總局由口北道專司著李鴻章酌量辦理定安前奏賊踞洪庫勒塔地方薩薩布帶兵進勦杜嘎爾奏賊竄至拉蘇倫巴咱爾所屬是否另

是一股該副都統見令吉爾洪額改道追勦相機
截擊並著定安催令薩希探明賊蹤與杜嘎爾所
派之兵聯絡聲勢會合夾擊以期迅掃逆氛免致
日久紛擾

初五日

直隸大名鎮總兵彭楚漢補授

李鴻章奏察看大名鎮總兵難勝專閫之任

姜國仲以參將降補

上諭

月摺

上諭

又奏審明造言惑眾之職官從重定擬

已革知縣劉謨閣發往軍臺效力贖罪

又奏匪捻肅清原保之同知李仁俊等分別更

正改獎

吏部議奏

又奏揀選知縣李待時請選用

吏部議奏

張廷岳阿爾塔什達奏官兵先後接仗並逆匪

月摺

硃批

月摺

分竄請飭援兵追勦

軍機字寄協辦大學士直隸總督一等肅毅伯
李鴻章綏遠城將軍定安前任察哈爾都統文
盛察哈爾副都統杜嘎爾庫倫辦事大臣張廷
岳阿爾塔什達

勦捕

賊既分股竄擾臺站牽掣糧臺要路張廷岳見調蒙
兵六百名馳往該處相機勦捕並督飭宣化步隊
嚴密防守所籌尚屬周密杜嘎爾駐紮哈爾呢敦

一帶距圖固里克等臺站不遠著偵賊所在派員
帶兵進剿文盛已派兵前進著定安酌度情形合
力兜剿薩薩布見紮何處著定安飭令該副都統迅
率所部轉戰而前李鴻章卽飭都司賈吉齡迅速
起程赴庫歸張廷岳調遣

初六日

蔣志章奏審明已革知縣請開復原官交部議
處

月摺

硃批

曾吉光開復原官仍交部議處

又奏整飭綠營改勇隸兵以符額制

營伍廢弛已久著卽實力整頓毋得徒託空言

又奏請將漢中府劉堃暫畱任

照所請

初八日

余培軒奏道府選缺壅滯請照舊制補用並疏

通正途班次

月摺

上諭

吏部議奏

月摺

翟國彥奏巡查海洋水師營伍

硃批

知道了

都興阿清凱奏蒙古巴爾虎兩項人等互相選

缺

兵部知道

初九日

瑞麟奏請將營伍廢弛之守備千總等革職

月摺

硃批

吳良駿葉蘭芳均革職

又奏不守營規之千總請卽革職

許文龍著革職

初十日

月摺

左宗棠穆圖善奏勦辦山丹土匪並擊退甘州

竄賊請將出力及退縮各員弁分別獎懲

上諭

旨鈔存

月摺

穆圖善奏請博爾托善等擬補佐領各缺

硃批

均准其補授

又奏請將同知英林畱營差遣

照所請

又奏請將副都統雙福仍畱甘肅軍營

照所請

奕榕毓福奏請以恩禧暫行署理吉林理事同
知

吏部知道

左宗棠穆圖善豫師奏陝回句結回匪肆擾見
派鎮兵堵剿

軍機字寄 欽差大臣陝甘總督一等恪靖伯

左宗棠甯夏將軍穆圖善西甯辦事大臣豫師
陝回分竄西甯一帶經總兵董武賢派隊堵剿疊獲

勝仗惟見在外匪紛至與之句結勢恐蔓延穆圖
善已檄令董武賢會同豫師原駐威遠營勇調集
西碾各路團丁相機堵擊豫師兵力既單左宗棠

月
摺

剿
捕

當統籌全局撥隊助勦穆圖善亦應督率近省各
軍隨時扼勦竄匪與左宗棠和衷商辦不可稍分
畛域

十一日

李鴻章奏永定河南岸漫口分別叅辦並自請
議處

月摺

上諭

南河同知朱津革職畱任署良鄉縣縣丞蕭承湛卽
行革職永定河道李朝儀革職畱任李鴻章交部

議處

月
摺

曾璧光周達武奏克復募役司汛城勦滅威甯
竄匪攻破金家碕請將出力陣亡各員分別獎

卹

上
諭

旨
鈔
存

長善長順果勒敏奏酌保旗員

承惠以副都統記名簡放並賞加二品頂帶劉安堡

交部從優議敘並賞加二品頂帶

月摺

硃批

又奏軍功保舉旗員不按升階擬請更正

照所請

軍機字寄貴州巡撫曾璧光廣西提督馮子材
傳諭護理廣西巡撫布政使康國器貴州提督

周達武

勅捕

盤江以北雖無賊蹤難保不乘隙回竄見調總兵何
世華督率八營認真防守毋令再行擾及北岸以
免復煩兵力曾璧光見調鄧有德鍾有司等馳赴

長
紅
紅
木
下游分路進兵轉戰而前以期次第廓清李高腳
一股竄粵著馮子材康國器懍遵前旨飭令孔憲
隆等會合黔軍迅將此股殘匪殲除清平等處苗
匪兵力尚恐不足馮子材等能否騰出勁旅越境
助剿著卽相機調派不得稍分畛域

杜嘎爾奏賊匪東竄派隊追剿

軍機字寄綏遠城將軍定安前任察哈爾都統
文盛署察哈爾都統慶春察哈爾副都統杜嘎

爾庫倫辦事大臣張廷岳阿爾塔什達

此時賊距臺站不遠著文盛慶春飭令迎頭遏截薩
薩布前次進剿洪庫勒塔拉踞匪著定安催令迅
速取道前赴一帶相機兜剿以顧糧運毋稍遲緩

十二日

黃元中奏請入覲

著來見

十三日

硃批

月摺

月摺

硃批

月摺

勦捕

額勒和布等奏請將獲盜各員獎勵
吏部議奏

丁寶楨奏派員查閱營伍分別獎懲暨捕獲嶧
縣棍匪挖拏曹屬匪徒並擒逆首正法

軍機字寄山東巡撫丁寶楨

登中營守備李兆龍訓練無方萊州營守備萬守春
辦事顛預卽行革職沂州營副將孫文友馭軍有
法賞給尋常加一級武定營遊擊趙鴻光署青州

營參將溫長湧梁山營都司賈宗江均屬訓練得力各給予紀錄二次嶧縣有棍匪多人混入滋事經孫文友立時按拏尚為迅速給予隨帶加三級臺莊營參將劉志和嶧縣知縣蘇名顯各給予隨帶加二級以示獎勵曹州各屬盜風甚熾又有叛匪勾結土匪時出搶劫經王正起拏獲首夥八十餘名餘匪分逃直隸江南邊境丁寶楨見派長賡探悉賊蹤派員在河南永城縣境將該犯拏獲就

地正法長賡開復革職畱任處分永城縣知縣陳
夢蓮夏邑縣知縣蔣士潢各給予尋常加二級逸
犯仍著嚴緝務獲

十四日

左宗棠奏請以黃萬鵬署理漢中鎮總兵

知道了

十五日

甘肅肅州鎮總兵章洪勝補授

上諭

硃批

月摺

月摺

硃批

李鴻章奏請獎奉省練兵出力員弁

札郎阿等均照所請獎勵

曾國藩奏海塘工竣請將在事出力員董獎勵

該部議奏

左宗棠奏請以陳廉等承襲世職

兵部知道

又奏彙報甘省官紳士民捐輸銀錢糧石開單

請獎

戶部覈議

又奏請以朱嗣昌委署中衛協副將

知道了

又奏請將蔣凝學兼署甘肅按察使

知道了

劉成元奏出洋班滿洋面獲盜情形

知道了

劉崐奏勦除雷公山踞匪並掃蕩附山各寨

勦捕

軍機字寄湖南巡撫劉崐貴州巡撫曾璧光傳
諭貴州提督周達武

湖南援黔官軍自攻克丹江凱里後乘勝進取雷公
山等寨該逆勢已窮蹙著劉崐飭令席寶田督率
將弁跟蹤追捕貴州各軍已將上下江收復調隊
進次都勻麻哈與楚軍相距不遠著曾璧光周達
武檄催派出將領會合楚軍將逆苗次第殲除以
靖黔疆此次出力各員著劉崐暫行存記遊擊劉

得勝力戰捐軀交部照陣亡例從優議卹

十六日

月
摺

譚鈞培奏採訪本籍陣亡殉難紳民等懇請旌

卹

上
諭

原任中書章永康等該部查明分別旌卹

月
摺

吳崇奏都司范承先等打仗受傷請免騎射

硃
批

照所請

又奏知縣李光烈堪以簡缺畱川補用

吏部知道

張之萬奏江甯藩庫欠放養廉給票抵捐開單
請獎

戶部覈議

劉坤一奏副將何明亮記獎漏未列保詳細聲
明補請註冊

兵部知道

李瀚章郭柏蔭奏拏獲穀城縣謀逆匪徒並湘

月摺

長江細柳
省龍益匪黨肅清

軍機字寄湖廣總督李瀚章湖北巡撫郭柏蔭
湖南巡撫劉崐

勦捕
湖北穀城縣匪徒經該縣知縣宋熙曾訪獲並起出
謀逆書信著李瀚章等審明後就地正法該逆既
有招集河南夥黨滋事之語著李瀚章等知照李
鶴年飭屬訪察嚴拏懲治郭松林見已回襄著知
照該提督將各軍扼要駐紮湖南龍益滋事會匪

雖經勦散伏莽尚多該督撫務當督飭各州縣認真稽查不得稍形疏懈

楊昌濬奏查辦嚴州齋匪情形

軍機字寄福州將軍兼署閩浙總督文煜福建巡撫王凱泰江西巡撫劉坤一浙江巡撫楊昌濬

浙江衢嚴二府界連江閩時有齋匪溷跡經該處文武派兵擊勦擒斬多名其逃散之匪亦先後拏獲

地方一律肅清受傷之副將黃中理交部從優議敘楊昌濬仍當檄飭各員督率團練隨時稽查江西福建與浙江毗連處所尤易藏奸著文煜王凱泰劉坤一楊昌濬一體飭屬確查認真辦理以絕根株

十七日

瑞麟補授大學士仍畱兩廣總督之任

張沅奏湖南莠民滋事請飭申明軍令

上諭

近年以來湖南時有莠民滋事之案雖據該撫疊次奏報肅清而伏莽仍未盡絕如該御史所奏地方官往往諱盜不報殊堪痛恨著劉崐督飭各該地方官力除積習申明軍律並將武職遷延貽誤各情據實叅奏湖南勇丁人數眾多本無接匪之心惟其中良莠不齊犯法者亟應嚴加懲創著該撫查明搶劫拒捕之徒盡法懲治其被脅入夥及未入夥者分別辦理以靖奸宄而安良善

左宗棠穆圖善奏官軍兩次截剿竄匪獲勝請
將出力及陣亡各員分別獎卹

旨
鈔存

月摺

蔣志章奏陝西學政汪鳴鑾丁憂循例暫行兼

署

硃批

知道了

穆圖善奏請將吳福等擬補佐領等缺

均依擬升補

月摺

李鴻章奏訪獲教匪審明定擬請將會同拏獲
之總兵從優議敘

李得成交部從優議敘

又奏口外臺站潰散糧運阻滯請飭迎提保護

定安奏撥隊探勦檄馬隊進紮臺路

慶春奏設復臺站情形派兵赴臺防勦

杜嘎爾奏酌配調到駝隻帶隊起程

軍機字寄協辦大學士直隸總督一等肅毅伯

李鴻章綏遠城將軍定安署察哈爾都統慶春
察哈爾副都統杜嘎爾庫倫辦事大臣張廷岳
阿爾塔什達

勦捕

惟默霍爾噶順霍呢齊二臺又被賊擾且探有分犯
庫倫多諾爾之說賊蹤東竄距察哈爾不過千餘
里慶春當飭前調察哈爾官兵迅卽起程探蹤迎
勦與杜嘎爾等軍兩面夾擊就地殲除張廷岳阿
爾塔什達仍遵疊次諭旨勤加偵探妥籌防勦前

竄烏拉特齊之賊經薩薩布等派兵會勦賊向西
北竄去難保不與固爾板賽漢一股會合擾及軍
臺著定安催令薩薩布督率所部相機兜勦以顧
糧運

左宗棠穆圖善奏各營馬步隊勦賊獲勝情形
軍機字寄 欽差大臣陝甘總督一等恪靖伯
左宗棠甯夏將軍穆圖善

甘省大靖等處時有竄賊搶掠軍糧經薩英阿雙福

等帶隊迎擊擒斬多名出力之副都統雙福准其
開復前叅摘去翎頂處分以示獎勵安定迤西之
車道嶺等處游匪出沒防不勝防穆圖善所部不
敷分布左宗棠當酌撥勁旅前往助剿其河州逆
回如何籌辦及見在情形若何仍著左宗棠迅速
具奏

軍機字寄各路統兵大臣兩江湖廣兩廣四川
江蘇安徽江西湖北湖南廣東廣西各督撫

張沅奏湖南莠民滋事摺內有補行伍減援軍二條
所奏不為無見著劉崐體察該省情形卽行妥議
章程具奏原摺摘鈔閱看該御史請將援黔一軍
以一半畱黔一半調回本省自固疆圉著劉崐通
籌全局酌度辦理不得顧此失彼援黔軍餉楚省
獨力難支著各該督撫酌度能否撥濟若干毋稍
推諉江蘇等省時有遣散勇丁解回本籍著各路
統兵大臣各直省督撫卽將安插散勇章程悉心

酌議具奏

十八日

劉坤一奏疏防城內被盜之文武員弁請先行

摘去頂帶

梅毓翰孔兆雲均摘去頂帶

十九日

前任吏部左侍郎胡肇智著加恩照侍郎例賜卹

瑞常行走班次著在曾國藩之次瑞麟行走班次著

上諭

在朱鳳標之次

二十日

劉長佑調補廣西巡撫張兆棟補授廣東巡撫蘇鳳

文補授漕運總督

陝甘學政許振祿去

貴州威甯鎮總兵張文德補授

刑部奏審明棍徒按例定擬並御史應得處分該御史訪獲此案尚非妄拏無辜可比錫光加恩改為

降三級畱任賈瑚應得降二級畱任處分著一併加恩改為降一級畱任

月摺

英元奏海運米石完竣請將出力各員獎勵

上諭

李鴻章喬松年均交部從優議敘英元交部議敘所保出力各員該部議奏

英翰奏拏獲逆首正法請將出力各員獎勵

旨鈔存

月摺

李鶴年奏皖匪闖入豫境派隊擊散並拏獲多

名

軍機字寄安徽巡撫英翰河南巡撫李鶴年

阜陽縣匪徒闖入河南沈邱縣交界經署沈邱縣知縣

秦本提等拏獲數名復有匪徒突入汝陽縣意圖

擾掠該署知縣張其崐等帶兵會拏立斃數十名

並經新蔡縣知縣管燠齋派勇追獲十數名餘匪

竄回阜陽豫境一律安堵阜陽聚匪究有若干英

翰何以未經奏及著嚴檄該地方文武實力搜查

母得養癰貽患

二十一日

托克湍奏副都統溫德勒克西在籍病故

知道了

恩承溫葆琛都興阿奏承修河道工程酌量變
通以資鞏固

軍機字寄 欽差禮部右侍郎恩承左侍郎溫

葆琛 盛京將軍都興阿

月摺

硃批

奏寄

該侍郎等酌定變通之法有益風水兼可保護北面
一帶隄岸錢糧亦不加增卽著照此次所議次第
興修不得稍有草率

軍機字寄廣東巡撫調任廣西巡撫劉長佑

廣西地方遼闊伏莽甚多劉長佑素嫻軍旅一切事
宜務須認真籌辦馮子材見在帶兵勦辦越南竄
匪劉長佑當與和衷共濟以期迅速蒞功

杜嘎爾奏帶兵追勦賊匪籌撥駝馬並分兵嚴

長
防後路

張廷岳阿爾塔什達奏蒙兵續獲勝仗賊眾西
逸臺站漸通

軍機字寄綏遠城將軍定安署烏里雅蘇台將
軍奎昌署伊犁將軍烏里雅蘇台參贊大臣榮
全烏里雅蘇臺參贊大臣多布沁札木楚署察
哈爾都統慶春察哈爾都統杜嘎爾庫倫辦事
大臣張廷岳阿爾塔什達

勦捕

杜嘎爾見飭吉爾洪額訥蘇肯等探蹤截擊該副都
統亦催兵前進吉爾洪額等帶兵擊賊月餘以來
總未與賊相遇著杜嘎爾認真督催前進再涉遷
延卽嚴叅懲辦其察哈爾官兵一千名令達爾濟
統帶在推河哈爾呢敦一帶分駐防守以壯聲威
至塞外地方遼闊全賴駝馬裹糧師行方無阻滯
著奎昌榮全多布沁札木楚張廷岳阿爾塔什達
分飭各該部落札薩克等遇有經過官兵駝馬疲

乏者卽當妥為應付阿爾泰一帶臺站被擾著慶
春杜嘎爾飭令畢都爾業等趕將各臺設法招集
俾利轉輸其應需口糧著定安慶春陸續解運

二十二日

黃槐森奏廣東釐局煩擾請裁減以蘇民困

又奏廣州府屬香山等縣劫盜肆擾請飭合力

圍捕

軍機字寄大學士兩廣總督兼署廣東巡撫瑞

廷寄

麟

抽釐助餉原屬朝廷不得已之舉若如該御史所奏
百計勒索兩次抽釐外更增幫費東江如此則西
北兩江釐廠煩擾恐亦在所不免著瑞麟認真查
覈酌量情形其存畱各廠尤須慎選妥員以省浮
費而杜弊端另奏廣州府屬盜賊叢起聚集香山
地方著瑞麟嚴飭各地方官弁多帶兵船駐紮該
處合力圍攻務將首犯悉數擒獲盡法懲辦仍令

各縣力行保甲團練儻該管文武有疲玩不職者
卽著嚴行叅奏毋稍姑容

二十三日

上諭

左翼監督托雲去

刑部右侍郎常恩補授

月摺

左宗棠奏道員積勞病故懇請議卹

硃批

周開錫交部照軍營立功後病故例議卹

又奏叅知縣劣蹟請先行革職

月摺

金麟先行革職歸案審訊

又奏勦賊獲勝暨按捕西山零匪情形

知道了

又奏南路官軍勦除竄回餘眾攻拔階州匪巢
見籌進兵事宜

又奏總統老湘軍道員劉錦棠請假回籍選募
又奏遵查總兵趙德正尚堪勝任

軍機字寄 欽差大臣陝甘總督一等恪靖伯

勦捕

左宗棠

成縣任家莊逆匪經總兵蘇家良按捕投誠者三十人
階州絡匪經副將彭德沅等率隊圍攻疊破賊巢
惟段世才瞿煥周在逃賊供既有段逆赴陝瞿逆
赴川之說著左宗棠咨照吳棠蔣志章飭屬一體
協緝毋任漏網見在該大臣規取河州分中左右
三路進兵布置尚屬周密惟河州一經進兵恐該
逆被勦窮蹙勾結西甯回眾該大臣於西路尤

宜妥籌兼顧巴里坤鎮總兵員缺趙德正尚為相
宜卽飭令赴任劉錦棠見在請假回籍其所畱各
營分駐金積靈州等處卽飭蕭章開等妥為鎮撫

二十四日

奕訢奏假滿病仍未痊請開去一切差使

賞假三箇月安心調理毋庸開去差使

金順奏請以金陞擬補佐領等缺

均依擬補用

月摺

上諭

月摺

硃批

長江紀略
又奏請以曹正興借補甘肅高臺營都司

知道了

二十七日

上諭

寶璽充國史館正總裁

湖南岳州府知府張德容補授

劉崐奏請以藩司王文韶兼署臬篆

月摺

硃批

知道了

月摺

慶春奏籌運軍糧撥兵保護臺站並探蹤迎勦

勦捕

軍機字寄署察哈爾都統慶春

疏通糧路最關緊要慶春見招集官兵籌備駝隻將
各臺存糧起運辦理尚為妥協張廷岳等奏竄至
霍呢齊迤西之賊向西南奔竄見在究竟竄何處
著慶春確探奏聞察哈爾左翼官兵由布爾噶素
臺進發該署都統督飭員弁實力截勦並與杜嘎
爾所派之吉爾洪額等軍聯絡聲勢兩面夾擊保
護臺站妥為鎮撫毋令再有潰散

長
紅
紙
本

